

- қўшни вилоятлардан ўз маҳсулотини сотиш учун келадиган дехкон, дехкон ва фермер хужаликлари ходимларига барча турдаги маиший хизматлар курсатиш (ётокхона билан таъминлаш, умумий овқатланиш, маиший хизмат курсатиш, сартарошхоналар ташкил этиш);

- тижорат, дорихона, савдо – харид корхоналари, умумий овқатланиш шаҳобчалари очиш;

- жамият таркибидаги савдо харид, «Элга хизмат» корхоналари орқали жисмоний шахслар, дехкон фермер ва жамоа хўжаликларидан қишлоқ хўжалиги, озиқ – овқат маҳсулотларини ва уларни қайта ишлашдан олинадиган маҳсулотларни харид қилиш ва ушбу маҳсулотларни корхона, муассаса ва ташкилотларга улгуржи савдоси орқали сотиш ҳамда жамият ихтиёридаги дўконлар орқали чакана сотиш;

- пуллик авто турар жойларини ташкил этиш ва уларга хизмат кўрсатиш;

- бозор конъюктурасини ўрганиш, сотиладиган товарларни баҳо ва баҳоларни ташкил қилишни ўрганиш, ички ва ташқи ҳамкорлар билан алоқаларни тиклаш тадбирларни ўтказиш;

- бозорлар ва ярмаркаларнинг моддий-техника базасини хар томонлама ривожлантириш, уларни замонавий ускуналар, ашёлар ва бошқа техник воситалар билан курулантириш;

- қурилиш-монтаж, ишга тушириш-созлаш, таъмирлаш ва пардозлаш ишларини ташкил этиш ва утказиш бинолар иншоотлар ва объектларнинг капитал қурилишини амалга ошириш;

- маҳсулот, фонд, валюта биржалари ва биржадан ташқари оборотларда операцияларнинг барча турларини утказиш, қимматли қозғаларни белгиланган тартибда жойлаштириш, чиқариш ва сотиш

- Ўзбекистон Республикаси қонунларига биноан ташқи иқтисодий фаолият кўрсатиш;

Ўзбекистон Республикасининг амалдаги қонунчилигида тақиқланмаган бошқа фаолият турларини ҳам жамият амалга оширишга ҳақлидир.

2.3. Жамиятнинг хўжалик ва бошқа фаолиятига давлат ва бошқа ташкилотлар томонидан аралашувиға йўл қўйилмайди, агар бу Жамият фаолиятини белгиланган тартибда назорат қилиш ҳуқуқи билан боғлиқ бўлмаса.

2.4. Жамият томонидан хайр саховат, эхсон ва бошқа текинга, пулсиз амалга ошириладиган ёрдамларга ҳар йили ажратиладиган харажатлар ўтган йил олинган соф фойданинг 10 фоизидан ошмаслиги керак, бунда бизнес-режанинг соф фойда қисми бўйича ўтган ҳисобот йили кўрсаткичлари бажарилган тақдирда ушбу харажатлар амалга оширилиши мумкин.

2.5. Бозор ўз фаолиятида зарур тартибларни урнатиш учун ҳуқуқни муҳофаза қилиш ва давлатнинг бошқа органлари билан ҳамкорликда ҳуқуқ бузарликларга қарши курашни кучайтириш ва таъминлаш;

3. ЖАМИЯТ УСТАВ ФОНДИ МИҚДОРИ

3.1. Жамиятнинг устав фонди (устав капитали) акциядорлар олган жамият акцияларининг номинал қийматидан ташкил топади. Жамият чиқарадиган барча акцияларнинг номинал қиймати бир хил бўлиши лозим.

3.2. Жамият Устав фонди миқдори номинал қиймати **15 346 500 000** сўмни ташкил қилади. У ҳар бирининг номинал қиймати **1000** сум булган **15 346 500** дона эгасининг номи ёзилган оддий нақдсиз (ҳужжатсиз) акцияларга бўлинган.

а) Жамият Устав фонди миқдорини кўпайтириш.

3.3. Жамиятнинг устав фонди қўшимча акцияларни жойлаштириш йўли билан кўпайтирилиши мумкин.

3.4. Қўшимча акциялар жамият томонидан жамият уставида белгиланган эълон қилинган акциялар сони доирасидагина жойлаштирилиши мумкин.

3.5. Жамиятнинг устав фондиди (устав капиталини) кўпайтириш масалаларини, шунингдек жамият уставига жамиятнинг устав фондиди (устав капиталини) кўпайтириш ҳамда жамиятнинг эълон қилинган акциялари сонини камайтириш билан боғлиқ ўзгартиш ва қўшимчалар киритиш тўғрисидаги қарорлар жамиятнинг қузатув кенгаши томонидан қабул қилинади.

Жамият томонидан акцияларни ва акцияларга айирбошланадиган, ҳақи пул маблаглари билан тўланадиган эмиссиявий қимматли қозғаларни жойлаштиришда овоз берувчи акцияларнинг эгалари бўлган акциядорлар ўзига тегишли шу турдаги акциялар миқдорига мутаносиб миқдорда уларни имтиёзли олиш ҳуқуқига эга.